

QVÆSTIO MEDICA.

QVOD LIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE MERCVRII II. MAII MAGISTRO

GASPARE BRAIER DOCTORE MEDICO REGIO MODERATORE.

An aque minerales mulieres fecundant?

NATVRÆ fecundissimus ager Vterus iure perhibetur, è partium nobilium censu eradendus; idem muliebris corporis veluti sentina; reliquarum corporis partium excrementa suscipit; variis inde morbis atque symptomatis opportunus: quippe qui tum simplicem, tum cum humoris affluxu coniunctam intemperiem patiatur: calidam cum ichoroso præsertim humore consequitur insignis salacitas, æstus, pruritus; frigida pallore stupore, circa lumbos, crura & os sacrum, veneris negligentia se prodit: humidam comitatur sopita venus & oblectationis expers: sicca contrà seminis virilis vt terra siccaroris desiderio tenetur: sanguine vero in vterum irruente inflammatur, abscedit, vlceratur, interdum scirrho, carcinomate inemendabili, molà citra viri congressum nunquam concrefcente, inflatione, hydropes, hydroicis maxime curabili, calculo à solo calore concrefcente, vermibus tentatur: circa ceruicem rhagadibus, condylomatibus, hæmorrhoidibus infestatur: sæpe mensum suppressione, immoderato profluuiio aut stillicidio, albo fluore, gonorrhæa tam simplici quam virulenta laborat, quin & vario motu, ascensu, descensu, prolapsu, strangularum, conuulsionem (mulieribus vt frequentiore[m] ita periculosiore[m]) dolorem, furorem denique inferre solet, sed nihil æque nuptas angit follicitalque reddit atque sterilitas

STERILES autem sunt mulieres vel quia semen virile etiam prolificum non excipiunt, vt in mensum circa vterum stabulantium suppressione, vtero saturato, in præpingui abdomine, ipsius ore concluso premente omento: vel quia semen exceptum non concipiunt vt in molà tam viuà quam mortuà: aut quia fœtum conceptum suis numeris & partibus absolutum alere fouereque non possunt, vt iis contingit quæ frigidos, densos, præhumidos, siccos, ac præstos habent vteros, in quibus genitura extinguitur, plus æquo diluitur, corrumpitur, vel denique quia propter tum proprium vteri cum partium principum vitium & imbecillitatem gerendo fœtui non sufficiunt:

OT vteri sterilescentis causas sua quæque præsidia Medicina proponit: Caloris eximij atque siccitatis in vtero mediocritati comparande ad concipiendum idoneæ naturæ præscribit lactis asinini vsu, frequenti balneo aquæ dulcis, diætâ ciborum meabilium, omnis alienæ qualitatis expertum minimèque sitiferorum: Ad frigidam intemperiem eiusque densitatem *hypodyspæra* calidarum rerum hysteriarum fouendo intrus & foris. Denique humidioris vteri ac multa illuue diffuentis redintegrationem procurat cathartici chologogis, phlegmagogis, melanagogis prout varie muliebris istiusmodi humoribus conspurcantur: diætâ siccissima, vitur, decocto radicis chynarum in epulis loco vini, caput fouet decocto cephalico, vterum luffit sua uolentibus aromatis, denique tam sumptis quam admodis causam sterilitatis oppugnat.

SED inter præsidia humidioris vteri atque impuri (quæ frequentissima esse solet sterilitatis occasio) principem locum obtinent aquæ certo quodam calchanti, sulphuris, aluminis, nitri, ferri, argenti, & similibus mineralium mixtionis modo, Chymicorum distillationibus nunquam satis explorato medicatæ: quarum tanta vis est etiam ad obstructa intemperata & male morata malèque constituta viscera præsertim nutritia, vt Spadenses sulphuris & calchanti spiritu insignes in Tigurum finibus scatuentes, præter alia commoda renum arenulas etiam detergunt: Vicomteæ vero in Aluernis sitæ nitro magis asperæ, mesenterium, pancreas, omentum humorum saburrâ sæpius infarctum per loca naturæ conuenientia liberant: vt & non ita pridem celebratæ ad iccoris & lienis robur Normanæ siue Forgenles ferri copia adstringendi vi prædiætæ, hydropicis tamen saluberrimæ: Cæteræ denique in Galliâ, Italia, Hispaniâ, alijsque orbis regionibus cerebro neruis alijsque corporis partibus morbo obfessis dicatæ.

VMQVE sterilitati abigendæ sæpenumero illa artis Medicæ præsidia erudantur, ab aquis istis auxilia certa (præmissis vniuersalibus venæ sectione, purgatione, nec non diligenti exactaque corporis ac humorum præparatione) petuntur utpote quæ partium corporis intemperiem emendant, tenuitate angusta quæque viarum traiciunt, infarctusque quantumuis contumaces & inueteratos expediunt, dura emolliunt, laxa firman, denique diuersos effectus non raro producant: hinc sæpe ab aquarum istarum vsu opportuno nigra viridia, flaua, carulea, & alia id genus humorum partiumque affectuum varietatem indicantia excrementa, per aluum & vrinas & per sudores deturbantur, vomitus varij, menstrua hæmorrhoides plurimorum affectuum à plethorâ & à cacochimiâ curatrices, Denique sibi inuicem contrariæ sæpe vacuationes (quod arti citra corporis dispendium negatum est) excitantur. Dicam verbo, ab his humidiores vteri deficcantur, humefcunt sicciores, æstuant refrigerantur, refrigerati calefiunt, pinguioribus tenuantur, vel densi rarefiunt: denique mulieres viris, minime morbosæ & valerudinarijs, sed succulentis iunctæ postaguarum earum vsu ad securam legitimamque conceptionem apparantur.

Ergo aque minerales mulieres fecundant.

Asserebat Lutetiæ PETRVS DE BEAVRAINS Parisinus, Anno R. S. M. DC. XVI.

DOMINI DOCTORES DISPVATVR.

*M. Ioannes Cousin. Medic. Reg.
M. Hieronymus Goulu. Professor. Reg.
M. Symphorianus Hautin.*

*M. Henrius Blacud. Med. Reg.
M. Gabriel Biard.
M. Ioannes Desgoris. Med. Reg.*

*M. Robertus le Sec.
M. Simon le Telier. Med. Reg.
M. Richardus Merces.*